

**Ngingumuntu
othile!**



ngoba ...

Ngingumntwana kaNkulunkulu

Yilowo nalowo okholwa wukuthi uJesu unguKhristu, uzelwe nguNkulunkulu. Lowo othanda ozelweyo uthanda nomzeleyo.

1 KaJohane 5:1

Ngingophumelelayo!

Ngubani onqoba izwe uma kungesiye lowo okholwa ukuthi uJesu uyiNdodana kaNkulunkulu na?

1 KaJohane 5:5

Ngathengwa ngakhokhelwa nguKhristu

Nina nathengwa ngenani elikhulu: ningabi yizigqila zabantu.

1 KwabaseKhorinte 7:23



Ngiyinxenye yomzimba kaKhristu

Manje-ke, nina ningumzimba kaKhristu, yilowo nalowo uyisitho nabanye. *1 KwabaseKhorinte 12:27*

Ngiyithempeli likaNkulunkulu

Anazi yini ukuthi nina niyithempeli likaNkulunkulu, nokuthi uMoya kaNkulunkulu uhlala kini na?

1 KwabaseKhorinte 3:16

Ngithethelelwe

“Ngakho-ke makwazeke kini madoda, bazalwane, ukuthi ngalowo kumenyezela kuni ukuthethelelwa kwezono, nakukho konke ebeningenakulungiswa kukho ngomthetho kaMose, ngaye lowo, yilowo nalowo okholwayo uyakulungiswa.” *IZenzo 13:38-39*

Ngikhululekile ekwahlulelweni

Kanjalo akusekho ukulahlwa kwabakuKhristu uJesu.

KwabaseRoma 8:1

Ngikhululekile

“Uma nimi esifundisweni sami, ningabafundi bami uqobo, niyakulazi iqiniso, neqiniso liyakunikhulula.”

NgokukaJohane 8:31b-32

Ngikhethiwe!

Sikwazi, bazalwane abathandiwe nguNkulunkulu, ukukhethwa kwenu. *1 kwabaseThesalonika 1:4*

Ngiphephile kuNkulunkulu

Siyazi ukuthi yilowo nalowo ozelwe nguNkulunkulu akoni, ngokuba ozelwe nguNkulunkulu uyazigcina, nomubi akamthinti.

1 kaJohane 5:18

Nginokuphila okuphakade

Onayo iNdodana unokuphila; ongenayo iNdodana kaNkulunkulu akanakho ukuphila. *1 kaJohane 5:12*

Konke kungenxa

“Ngokuba uNkulunkulu walithanda izwe kangaka, waze wanikela ngeNdodana yakhe ezelwe yodwa, ukuba yilowo nalowo okholwa yiyo angabhubhi, kodwa abe nokuphila okuphakade.”

NgokukaJohane 3:16

Ithemba eliphilileyo

Makabongwe uNkulunkulu uYise weNkosi yethu uJesu Khristu, owasizala kabusha ngokwesihawu sakhe esikhulu, ukuba sibe nethemba eliphilileyo ngokuvuka kukaJesu Khristu kwabafileyo, sibe nefa elingapheliyo, elingenasisihla, elingabuniyo, enililondolozelwe ezulwini.

1 KaPhethro 1:3-4

Amavesi acashuniwe athathwe isiZulu 2020.

Ishicilelwe yasatshalaliswa yi-Bible Society of South Africa.
www.biblesociety.co.za



BibleSA.co.za

BibleSA

Download our Bible apps here.